

Te Heheuraa Api

E ITE I'A OUTOU I TE PARAU MAU, E NA TE PARAU MAU OUTOU E FAATIAMAU

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 7

-- TIURAI 1949 --

MAT. 36.

E PARAU NA TE PERESITENI NO TE EKALESIA

TE hinaaro nei to tatou Metua i te ao ra ia oaoa tatou.
A tuu atu ai Oia i to tatou na Metua matamua i nia
i te ao nei, ta'na i faaineine e i faanehenehe no raua, ua faa-
ite atura Oia i te mau mea te tia ia raua ia rave ia oaoa noa
raua i reira.

I te tahi taime e i te tahi atu â taime hoi ua faahiti faahou
Oia, e ua faarahi hoi, i taua mau parau ra na roto i te vaha
o ta'na mau tavini te mau Peropheta. E ua noaa ia ratou, o
tei faaroo Ia'na e o tei pee hoi i ta'na mau a'oraa, te oaoa na
roto i te haamaitairaa o te aau hau o te ore roa e noaa na ro-
to i te tahi mau ravea ê atu.

Ua faaitehia tatou e, ia ore te faaroo e ore roa e tia ia ta-
tou ia haamauruuru i te Atua. O te faaroo (e te mau ohipa
maitai hoi i faatupuhia e te faaroo) o te tamu mau ia no te
oaoa i onei e i te ao a muri atu hoi. O te mea te reira tei faa-
tupu i te mau ohipa atoa i nia i te ao nei, e ua i roa hoi te
mau papairaa mo'a i te mau parau faaiteraa no te mana o te
faaroo.

O te faaroo ia o Noa tei faatia ia'na ia hamani i te hoê pahie e na roto i to'na haapaoraa i te mau faaueraa a te Atua i faaorahia'i oia, e to'na atoa utuafare, area o tei ore i faaroo ia'na ra ua paremo ia ratou i roto i te diluvi. Na roto hoi i te faaroo i faaorahia'i o Lota, e to'na atoa ra utuafare, a pau ai na oire ra o Sodoma e o Gomora e te mau taata faaroo ore atoa i reira, i te auahi no te ra'i mai.

I te taime o Daniela i pure noa'i i te Atua i to'na mau enemi o tei opani etaeta roa ia'na e, eiaha oia e na reira ia ore oia ia pohe, ua hurihia oia i roto i te apoo liona ra. Ua ite oia e, e tia ihoa i to'na Metua i te ao ra ia faaora ia'na, e aita roa i feaa. Ia po'ipo'i a'era haerê atura te Arii i te apoo liona ra e, inaha, te ora noa ra o Daniela i reira. Na to'na faaroo i faariro i te mau liona taehae ei mau liona rata e ua faatura atura te Arii ia'na i reira.

O na taata Hebera tootoru ra, o Sadaraka, Meseka e o Abede-nego ra, o tei ore roa i haamori i te tii rahi auro i faatiahia e Nebukanesa ra, ua hurihia ratou i roto i te umu auahi ra. Ua tiaturi noa ratou i te Atua ra, e no to ratou faaroo i faaorahia'i ratou. Na roto i te faaroo i faaue mai ai te Peropheta ra o Eliaha i te auahi ia topa mai, mai te ra'i mai, e ia haapau i ta'na tusia ra, e tupu atura te ite o te Arii, e to te huiraatira i reira e, o te Atua o Iseraela ra te Atua mau, area o Baala ra e atua haavare ia.

Na roto i te faaroo i tia'i i te taeae o Iareda, e i to'na mau fetii atoa, ia tapea noa i te reo o to ratou mau metua, i te taime i faahuru-ê-hia'i te mau reo i te paturaa i te Pare i Babela ra, e ua arataihia ratou i te fenua i te tooa o te râ ra. Na te reira huru faaroo hoi i faatia ia Lehi ia aratai i to'na utuafare na nia i te moana i teie nei fenua (i Amerika).

Na te faaroo i faatia i te mau Pipi a Iesu ia faaoromai i te mau hamani-ino-raa tei tae i nia ia ratou ra, e noa'tu i te

mau faahaparaa atoa ua faatupu e ua faatia ratou i te Evanelia ta te Mesia i horoa ia ratou ra.

No te faaroo i haere atu ai o Iosepha Semita i roto i te ū-rū raau ia tuturi i raro a pure atu ai. No te mea ua tupu oia i te paariraa i roto i te hoê utuafare Cherisetiano, e ua mau roa ia'na te mau haapiiraa i roto i te Bibilia, e faaroo to'na i te parau i faahitihia i roto i te irava 5 o te pene matamua o te buka a Iakobo tei na ô mai e; *Te ere râ ra te hoê o outou i te ite, e ani oia i te Atua ra, o tei horoa hua mai i te maitai i te taata atoa ra, ma te patoi ore; e e horoahia mai ta'na.*

Na teie tamaiti apî roa, i roto i te hoê oire nainai, o tei ore i noaa ia'na te ahuru ma paeraa o te matahiti, i tamata i teie fafauraa a to tatou Metua i te ao ra, e ua riro oia ei taata matamua, i roto i te mau tenetere e rave rahi ra, o tei ite mata atu e ua hamani-mau-hia te taata i te hoho'a mau o te Atua. Ua vevetehia te ra'i i teie nei tamaiti apî roa e ua ite-mataa'tura oia i te Metua e i te Tamaiti e ua faaroo hoi i to raua ra reo. O te hoturaa teie nei ohipa maere rahi no te faaroo. Na roto hoi i te faaroo i tia'i ia Iosepha Semita ia iriti mai i te Buka a Moromona, no roto mai i te hoê reo tahito roa ra, na roto i te horoaraa e te mana o te Atua.

I muri ihora ua horoa-faahou-hia te tahi atu â mau ite e te tahi atu â mau faaueraa o tei faatupu mai i te Ekalesia a Iesu Mesia a te **Feia Mo'a** i te Mau Mahana Hopea Nei. I raro a'e i te faatereraa a te Metua i faatia'i oia i te Ekalesia ma te mau Aposetolo e te mau Peropheta; oia hoi, hoê â te huru faatereraa i to te Ekalesia i te tau o te Mesia iho ra. Ua farii oia i te Autahu'araa a Aarona no ô mai ia Ioane Bapetizo ra; e na Petero, Iakobo e o Ioane i horoa mai ia'na te Autahu'araa Teitei, **oia hoi, te Autahu'araa a Melehizedeka**, e na te reira Autahu'araa te mana no te raveraa i te mau oro'a atoa no te Ekalesia a Iesu Mesia.

Na te faaroo o te mau taata tei farii ia'na, ei aratai no ratou, i faatupu i te faaoromai, i roto ia ratou, i tia'i ia ratou ia faaore i te mau faahaparaa o te ino (*te diabol*). Ua tiahihia ratou mai tera vahi i tera vahi, ua hamani-ino-hia ratou e ua faahapahia hoi; noa'tu râ i te reira ua farii noa te pae rahi o ratou ia'na e tae noa'tu i te hopea. Ua ite roa ratou e, te ora mau ra te Atua e e riro to'na rima mana hope i te faatorohia mai no te faaoraraa ia ratou. Noa'tu e e mea iti roa ratou i roto i te mau oire i parahihia e ratou ra, ua ite ratou e na te mana o te ra'i e faaora noa ia ratou mai te mea e haapao noa ratou i te mau mea i faauehia ia ratou ia rave ra; e eita hoi te mana no te ino e tapea noa i te tupuraa o te Ekalesia ta to tatou Metua i faatupu faahou i nia i te ao nei, ia faaorahia ta'na mau tamarii atoa.

Mai te reira taime mai â e tae noa mai i teie nei ua rave rahi te tauatiniraa o te mau taata tei tere haere, i tera vahi e i tera vahi o te ao nei, i te poro-haere-raa i te parau mau o te Evanelia a to tatou Fatu, te Evanelia no te parau hau, te ravea ana'e e ora'i te mau ati o te taata nei. E i teie nei mahana ua tauatini e ua tauatini ta'io-ore-hia te rahiraa o te mau tamaroa e te mau tamahine hoi a te Atua o tei faateitei i to ratou mau reo i te haamaitairaa e i te arueraa'tu hoi i te Atua no te faaroo o to ratou mau fetii o tei mata na i te imi i te Basileia o te Atua na mua ma te ite papu e, e amuihia mai te mau mea atoa i nia iho ia ratou ra.

Te tiaturi nei au e, e imi noa te mau taata atoa o tei noaa ia ratou teie nei horoaraa rahi no te faaroo, i te mau ravea no te tamau maite noaraa i te reira. E mea tia roa, ia tatou atoa, ia tuturi atu i mua i te aro o te Atua, i te po'ipo'i e i ahiahi atoa hoi, no te faaiteraa i to tatou mauruuru, no roto mai i te hohonuraa o to tatou mau aau, i te Metua i te ao no to tatou faaroo.

Mai te mea te ere ra te hoê i te faaroo ua ere ia oia no te

mea
e m
bati
e, n
pao
bati
e i t
Sab
Met
e ta
Sab
e m
tato

I
e te
rera
tam
i te
roo,
ora

TE
T
tai-
te r
faa
i to
te m

mea aita oia i haapao i te mau faaueraa a te Atua. Eita oia e mauruuru ia ratou o te ore e faatura e i faariro hoi i te Sabati ei mahana mo'a. Te mana'o nei te tahi pae mau taata e, mai te mea ua haere ratou i te pureraa, e a ore râ, ua haapao i te tahi pae o te mau ohipa i faataahia na ratou i te Sabati ra, ua tia ia ia ratou ia imi noa i te mau ohipa arearea e i te rave i te hoê mau ohipa tia ore i te varua o te mahana Sabati, e e mau noa ia ratou te mau haamaitairaa o to tatou Metua i reira? Te parau atu nei au ia outou e, mai te mea e tamau noa te mau melo no te Ekalesia i te faahaparaa i te Sabati, ma te ite, no te imiraa i te mau oaoaraa o teie nei ao, e mo'e ia ratou to ratou faaroo e e taa ê atu te Varua o to tatou Metua i te ao ra ia ratou i reira.

I to'u mau hahereraa na roto i te mau Amaa, te mau Titi e te mau Misioni hoi no te Ekalesia ua oaoa roa vau i te haereraa o to tatou mau tamarii tamaroa, e to tatou mau tamarii tamahine hoi, i mua i te faarahiraa i to ratou faaroo na roto i te haapaoraa i te mau hinaaro o te Atua. Te e'a no te faaroo, te e'a no te haehaa te aau e te haapao, o te e'a ia o te ora no te mau melo no te Ekalesia.

Tihoti Arapera Semita.

Faaauhia ei reo Tahiti e Edgar B. Mitchell (Mitiela)

EDITORIAL

TE FAAMOPERAA I TO TATOU PUAI.

Te vai ra te tau, i roto i to tatou oraraa, no te feruri-maitai-raa i te mau mea ta tatou e rave, e no te feruriraa hoi i te ravea no te raveraa i te reira. E rave rahi te mau mea faufaa rahi tei faaruehia e tatou no te mea aita tatou i faahope i to tatou puai i te raveraa i te ohipa. Aita hoi tatou i imi i te mau ravea atoa no te raveraa i taua ohipa maitai ra, e a

ore râ, ua faaea tatou hou te hopea no te ohipa.

I te tau a haere atu ai o Mose i mua ia Pharaon no te ani noa ia'na ia faatiamâ i te mau tamarîi a Iseraela, e ua patoi-noa-hia oia, ahiri oia i faaea i reira i ta'na titauraa ua tiamâ anei ratou i reira? I te mau mahana a ohumu noa'i te mau tamarîi o Iseraela ia'na no te mau ati ta ratou i farerei i to ratou mau haereraa na roto i te mebebara, ua aratai anei Mose ia ratou e tae noa'tu i te fenua i haamaitahia no ratou ra ahiri oia i feaa e i faaea atu i te ohipa?

I te mahana o Davida i haere ai i mua i te aito ra o Gorias i nia i te mahora aroraa ra, ua oti anei ia'na te taparahiraa i taua aito ra ahiri oia i faaea i te aroraa i reira? Ua riro anei oia ei Arii rahi ahiri aita oia i riro, na mua, ei taata aravihi roa i te mau ohipa atoa ta'na i rave?

I te mahana o Daniela i hurihia'i i roto i te apoo o te liona ra, ua ora anei oia ahiri i ore to'na faaroo i reira e ahiri oia i faaea noa i taua taime ra?

I te taime o Iosepha Semita i hamani ino-noa-hia'i i te mau mahana atoa ra, e i te mau matahiti atoa hoi, ua riro anei oia ei peropheta rahi no te mau mahana hopea nei, ahiri oia i faaea noa i reira e i faaore i te ohipa?

I te taime o Iesu i haere atu ai i roto i te ô i Getesemane ra, a pure atu ai oia ma te mau iui rahi o tei faatahe noa mai i te toto mai te hou ra i nia i to'na tino, ua ani atura Oia i to'na Metua ia faaore atu i te au'a avaava rahi ra. Eaha mau ia te tupu ahiri Oia i faaea i reira? Eaha ra te tupu ahiri aita oia i inu i taua au'a avaava rahi ra? Eaha atura hoi te tupu ahiri aita Oia i faatupu i te taraehara rahi ra?

Aita â te hoê taata i rave i te hoê ohipa rahi na roto i te faaearaa i te ohipa. Aita atoa hoi te hoê taata i rave i te hoê ohipa rahi mai te mea aita oia i faahope i to'na puai i te imi-

raa i te mau ravea atoa no te faaotiraa i te ohipa ta'na i haamata ra. E roo maitai anei to te hoê taata ia rave haapao ore noa oia i te ohipa ?

I to tatou mau utuafare, e a ore râ, i roto i ta tatou iho mau ohipa e riro paha tatou i te imi i te mau ravea ohie. E mana'o paha tatou e, e ora noa tatou i reira ? Eaha mau ra te faufaa e roaa ia tatou i reira ?

Mai te mea e imi noa tatou i te mau ravea ohie i roto i te ohipa o to tatou mau utuafare, e riro paha i ta tatou mau tamarii i te na reira atoa; e e riro atoa paha to tatou mau hoa i te na reira atoa hoi, ore atura ia te huru maitai o te utuafare i reira. E ere atura ia i te vahi maitai no te faatupuraa i te oraraa faahiahia. E ere atoa'tura hoi te reira huru utuafare i te vahi maitai no te haapiiraa i te faaroo, ia riro te parautia te hopea e titauhia ra, i te vahi tei mauruuruhia e te Atua ei parahiraa no to'na varua.

Ia imi noa tatou i te mau ravea ohie i roto i ta tatou mau ohipa e riro atoa tatou ei feia paruparu e eita tatou e haere i mua. E rave rahi te taata tei faaea noa i roto i te ohipa hoê noa no te mea ua imi noa ratou i te mau ravea ohie no te raveraa i ta ratou ohipa, e ahiri ratou i faaitoito noa i te ohipa i te mau taime atoa ua riro paha ia ratou ei feia faatere no taua ohipa ra, e a ore râ, ei fatu paha no te hoê sotaiete rahi. Ua riro te taata tei imi i te mau ravea ohie noa, i roto i te ohipa, mai te hoê machine te huru, e rave oia i te mau mea noa i faauehia ra, e ia ore te faatereraa ia'na e faaea ia oia i reira.

Hoê atoa ia huru i roto i te mau ohipa o te Ekalesia. E faufaahia tatou i te Evanelia mai te au i ta tatou mau ohipa i roto i te Ekalesia. Te faahope nei anei tatou i to tatou puai i roto i te ohipa a te Fatu ? E mea tia roa, ia tatou, ia na reira. E riro paha te tahi mau taata i te faarue i ta ratou mau

haamaitairaa mure ore no te mea ua hinaaro noa ratou i te haere marû noa i roto i te ohipa i roto i te Ekalesia e aita ratou i ite e, aita ta ratou e ravea maori râ ia rave tamau noa ratou i te ohipa maitai, e na te reira iho e faaora ia ratou.

Ua rave rahi te mau parabole ta Iesu i faaite mai. Te vai ra te hoê o taua mau parabole o tei haapii mai ia tatou e, e mea tia roa ia tatou ia faahope i to tatou puai i roto i te ohipa. Te haamana'o nei anei tatou ia ratou o tei farii i te mau taleni a to ratou ra fatu. Ua faarahi te tahi pae i tei horoahia ia ratou. Ua hinaaro ra te hoê ia haere marû noa ma te ohipa ore. Ua ite oia i ta'na i te raveraahia e i te hopoi-raahia'tu na vetahi ê ra.

Te na ô mai nei te parau i papaihia e, o tei hinaaro i te ora ra ia itoito noa oia i te ohipa e tia'i. O te ravea, taua mau parau nei a te Fatu, no te faaiteraa mai ia tatou e, e mea tia roa ia tatou ia faahope i to tatou puai i te raveraa i te ohipa. Eita Oia e mauruuru ia rave te taata i te tahi afa noa iho o te mau ohipa maitai ta'na i hinaaro. Ua titau noa mai Oia i te maitai rahi i roto ia tatou. Na'na iho i parau mai ia tatou nei e, e mea tia ia tavini tatou ia'na mai to tatou aau atoa e ma to tatou puai atoa. Ua faahapa Oia i te faatau e te faaea noa ma te ohipa ore. Te faaue nei Oia ia rave tatou i te ohipa ma te itoito e te anaanatae hoi, *Ma to outou aau atoa, e to outou itoito, to outou feruriraa e to outou atoa puai.*

Te vai ra te mau mea te tia ia ferurihia e ia faaotihia hoi i te mau mahana atoa. E riro paha e; e afa Feia Mo'a noa tatou, e aufau noa paha tatou i te afa o ta tatou Tufaa Ahuru, e haapao paha tatou i te afa noa iho o te Parau Paari, e haapao paha tatou i te tahi afa noa iho o te ohipa no te mahana Sabati, e e ta afa noa paha tatou i te turu atu i te mau taata faatere e te ohipa hoi no te Ekalesia. E ere ra te reira i te hinaaro o te Fatu. O teie hoi te faaotiraa tia no to tatou

iho
pao
hop
ia t
te t

ora
roah
Sem
basil
roo
tanu
ta'ne
mah
to i t
tei h
ra, e
tia.

E
roa't

Ua
mau
eaha
mau

Ua
reira
i te
hoê
tou
te ra

iho maitai, oia hoi, ia faahope tatou i to tatou puai i te haapaoraa ia tatou iho e i te taviniraa hoi ia'na. Tera ra ia faahope tatou i to tatou puai i te taviniraa ia'na e mea tia roa ia tatou ia haamo'e i to tatou iho mau hinaaro, *No te mea o te taata te mo'e to'na ora no'u nei, e ite oia i te reira.*

Faaauhia e, *E. B. Mitchell* (Mitiela)

TE ATUA,

E ATUA NO TE HERE E TE AROHA.

UA faaite mai o Iosepha Semita i te mau ohipa te tia ia ravehia ia noaa i te taata nei te parahiraa i roto i te basileia o te Atua mure ora ra. Ua faaite mai te Atua ia'na i te reira, na roto i te hoê orama tei ho-roahia mai i te 16 no Febuare i te matahiti 1832. Teie te parau ta Iosepha Semita i faaroo ra: *O ratou teie te noaa ia ratou te ora mure ore i roto i te basileia o te Atua ra. O ratou tei farii i te parau faaite no Iesu, e ua faaroo i to'na i'oa, e ua bapetizohia na roto i te huru o to'na tanuraahia, ua tanuhia hoi i raro i te pape i roto i to'na ra i'oa, e teie ia au i te faaueraa ta'na i horoa mai, e ia haapaohia taua mau faaueraa ra ia horoihia e ia tamahia ta ratou atoa ra mau hara, e ia farii mai i te Varua Maitai na roto i te tuuraa rima no'na o tei faatoroahia e ua titirohia i teie nei mana; e tei haavi na te faaroo, e ua titirohia e te Varua Maitai o tei parauhia mai-ra, e ta te Metua i ninii atu i nia ia ratou atoa ra o tei haapao maitai e tei tia.* (Buka Fafau 76:50-53)

E mau ture mure ore teie, e ia ore ia rave-mau-hia e te hoê taata eita roa'tu oia e tae atu i te basileia o te Atua mure ore ra.

Ua rave rahi roa te mau taata tei ore i haapao maitai i te taatoaraa o teie mau ture mure ore. Aita te tahi pae o te mau taata i ite i teie mau ture, e eaha hoi to ratou huru? I roto i te tahi mau Basileia o te ao nei aita te mau taata i faatiahia ia haapao i te mau ohipa o te ekalesia.

Ua parau mai o Nephi i te hoê parau, e e mea tia ia tatou ia feruri i te reira parau; ua na ô maira oia e: *Ua ite hoi au e, e ore te Fatu e tuu mai i te hoê faaueraa i te mau tamarii a te taata, maori râ e faaineine oia i te hoê ravea no ratou, e tia'i ia ratou ia rave i te mea ta'na i faaue mai ia ratou ra.* No reira eita te Atua e tuu mai i te mau faaueraa maori râ ia vai te ravea no te faaotiraa i te reira.

Ua parau mai te Fatu ra o Iesu Mesia i te na ôraa e, *Amene, Amene, e parau atu vau ia oe, ia ore te taata ia fanau i te pape e te varua, e ore roa oia e ô i te basileia o te Atua ra.*

Ia ore ia ravehia te mau ohipa no te haapaoraa i taua ture no te baptizoraa ra, eita te taata e ô i roto i te basileia o te Atua ra.

Aita e faufaa to te baptizoraa e ravehia nei e te tahi mau ekalesia no te mea ua faaite mai a Paulo e, *Hoe hoi Fatu, hoe faaroo, hoe baptizo.* E na Iesu i faaho'i faahou mai i te Ekalesia mau i teie anotau, oia hoi, te Ekalesia a Iesu Mesia a te Feia Mo'a i te Mau Mahana Hopea Nei, e aita'tu ai.

No reira a feruri tatou, eita paha o Iesu e farii i te mau ohipa a te veta-tahi mau ekalesia ei ohipa na'na ra no te mea e ere na'na i faatia i taua mau ekalesia a te taata nei ra.

Te vai nei te ravea no ratou, o tei ore i rave i teie mau ohipa parau-tia, ahiri aita ra, ua riro ia te Atua ei Atua haapao i te huru o te taata. Te vai nei te mau ture ta te Atua i tuu mai ia haapaohia e e haavâhia te taata mai te au i taua mau ture ra. Area ra, eaha te ravea no te mau taata tei ore i faaroo i te Evanelia a parahi ai ratou i te ao nei, e te mau taata hoi tei mana'o e, e melo ratou no te ekalesia mau, tera râ aita ratou i baptizohia i roto i te Ekalesia mau nei a Iesu Mesia, ua baptizohia ra ratou i roto i te tahi mau ekalesia a te taata nei. Aita ia ratou i haapao tia i te ture i parauhia ra. Ahiri aita e ravea e vai nei no ratou, na ati roa ia ratou, e ua riro ia te Atua ei Atua parau-tia ore. Te vai noa nei te mau ravea tei faataahia no ratou.

I te 3 no Eperera i te matahiti 1836 ua tae mai te hoê peropheta tahito, o Eliaha, no te faatiaraa i te parau i papaihia i roto i te buka a Malaki, i te pene 4 e i te irava 5 e te 6. Ua tae mai o Eliaha no te horoaraa mai i te taviri no te faafariuraa i te aau o te mau metua i te tamarii, e te aau o te tamarii i to ratou mau metua, oia hoi, na roto i te raveraa i te mau oro'a vicario (te mau ohipa monoraa) te ravehia nei i roto i te mau Hiero a te Atua ra. Na roto i te baptizo-mono-raa na iritihia te uputa o hade i te mea e, ua faatihia te mau taata, tei ore i baptizohia a parahi ai raton i te ao nei, ia ô i roto i te basileia o te Atua ora ra, na roto i to ratou baptizo-mono-raa-hia. Aue to ratou oaoa e !

Ehiâ hanere matahiti te maoro to ratou tia-noa-raa no te ohipa te faatiamâ ia ratou, oia hoi, te ohipa baptizo-mono-raa. Ua haapiihia raton, a parahi ai ratou i te vahi tei faataahia no ratou, e ua ite ratou i te Ekale-

sia ma
pa no

Ua
raa e
Atua
ineine
taton
ia far
ra, o
huti

Eita
ture e
su Me
ati ro
ora na
Atua
aita te
ra eita
no rat
oia ho
e ore
ha ih
feia
no te
i te ta
tou i
vea no
ra aita
oia i f
i roto

Ua
atoa ta
tia faa
hipa t
basile
ra hau
i te El

sia mau e te tiaturi noa nei ratou, ia tatou nei, no te faaotiraa i te mau ohipa no ratou ra.

Ua opua-ê-hia na teie ravea no te mea ua ite te Atua i te huru o teie oraraa e te mana hoi o te diabololo i te faaati-noa-raa i te taata nei. Ua ite te Atua e, e vare te tahi mau taata i te mana o te diabololo, no reira Oia i faaineine ai i te ravea no te ora o ta'na mau tamarii. Ua here roa te Atua ia tatou e aita oia i hinaaro i te faarue i ta'na mau tamarii, ua hinaaro râ Oia ia farerei faahou tatou ia'na no te mea ua faaité mai Oia ia tatou e, *Inahara, o teie ta'u ohipa e to'u hanahana hoi --- ia faatupu i te tahuti ore e te ora mure ore o te taata nei.* (Mose 1:39)

Eita te Atua e tani i te ture no te tahi mau taata tei ore i haapao i te mau ture e vai nei. O tatou te ora nei i teie tau, te vai nei te Ekalesia mau a Iesu Mesia i rotopu ia tatou, o ta tatou ia ravea, ia ore ra tatou ia haapao ua ati roa ia tatou no te mea te vai nei te iteraa i te mau ture. O ratou râ tei ora na mua a'e i teie nei tau hopea ra, e roaa ia ia ratou te basileia o te Atua na roto i ta tatou mau ohipa monoraa no ratou ra. I te tahi mau tau aita te mau taata i ora i te reira anotan i ite i te iraa o te Evanelia no reira eita e tia ia haavâhia ratou mai ia tatou nei, ia ravehia ra te mau ohipa no ratou e tia'i ia farii ratou i te mau haamaitairaa no te reira mau ture, oia hoi, te matamua, *Ia ore te taata ia fanau i te pape e te varua, e ore oia e o i te basileia o te Atua ra,* e te piti ra, *Aore ra, eaha ihora te feia i baptizohia no te feia i pohe ra, ia ore roa te feia i pohe ra ia tia faahou? Eaha ihora ratou e baptizohia'i no tei pohe ra?* Te ravea matamua ua faataahia ia no te taata e ora ra i te tau te vai ra te Ekalesia mau i te ao nei, e te ravea ia baptizohia ratou i roto i taua ekalesia mau ra. Area ua faataa te Atua i te piti o te ravea no te mau taata tei ora i te tau aita te Ekalesia mau i te ao nei, no reira aita ihoa ta ratou e ravea. Ua here roa te Atua i to te ao nei no reira oia i faaineine ai i te mau ravea ia farerei faahou ta'na mau tamarii Ia'na i roto i to'na ra basileia.

Ua faaité mai te Fatu ia Iosepha Semita e, e faaora oia i te mau ohipa atoa ta to'na rima i hamani maori râ te mau tamarii o te pohe. Area ra e tia faahou tatou i roto i te hoê o na hanahana e toru, mai te au i te mau ohipa ta tatou i rave ra. No reira ia hinaaro tatou i te hanahana i roto i te basileia o te Atua ra e mea tia roa ia haapao tatou i te mau ture no te reira hanahana. E tia atoa ia tatou ia tauturu ia ratou tei pohe ma te ite ore i te Ekalesia mau e te iraa o te Evanelia.

Papaihia e Beneta, Orometua.

NA FAITO E PITI.

Faatupu na faito e piti, i roto i te oraraa, i te ohipatia ore. E faahapa ia te reira i te ture o te oraraa nei e i te feruriraa papu maitai.

Mai te haamataraa mai â o te mau tau ua haapii papu mai te Mana Hope i te faito otahi no te oraraa e te maitai o to'na ra mau taata. Ua parau anei Oia i te tahi taime e, te ohipa i ravehia e te hoê tane e riro ia te reira ei hara na'na, eiaha ra ei hara na te vahine, e a ore râ, ua parau anei Oia e, e riro te ohipa e ravehia e te hoê tane ei ohipa maitai na'na ra a riro atu ai ei hara na te vahine ra.

I to'na parauraa mai e, *Eiaha e taparahi i te taata*, aita Oia i parau i te reira parau no te tane ana'e, ua parau atoa oia i te reira parau no te vahine. I to'na parauraa mai e, *Eiaha e eia*, ua parau oia i te reira parau no te mau taata atoa ra. I to'na horoaraa mai i te ture no te mahana Sabati, ua parau mai oia e, eiaha roa tatou e rave i te ohipa i te mahana Sabati, ta tatou iho mau tamarii tamaroa, ta tatou mau tamahine, ta tatou mau tavini tane e ta tatou mau tavini vahine e tae noa'tu i ta tatou mau animala. Hoê noa iho faito to te mahana Sabati e aita'tu ai. Ua aifaito atoa te ture tei na ô mai, *A faatura atu i to metua tane e i to metua vahine ia maoro to oe pue mahana i nia i te fenua ta te Fatu, to tatou Atua, i horoa mai no tatou*. Ua faatanohia te reira ture no te mau tamarii tamaroa e no te mau tamarii tamahine atoa. Aita roa te hoê i faaerehia.

Ia aparauhia no te reira, ia faahitihia te parau no na faito e piti ra, ua mana'o tatou i te oraraa o te pae varua. I roto i te mau matahiti e rave rahi ua mana'ohia e, e tia i te tane ia rave i te hara pae varua ma te peapea ore, area ia rave te hoê vahine i taua hara ra ua haapae-roa-hia e a muri noa'tu. Aita te Fatu i hi'o i te reira mai te reira mana'o. Ua parau

Oia e
vahir
vai ra
i te t

Te

piti.
ora n
tau ia
anei
pa'tu
tou r
tou n
ratou
ru-ê
ru o
ta ra
râ, te
pine
fare

Te

feia
mau
o te
i te t
rahi

E

na ar
noa i
i roto
te tas
na i
ora p
i te a

Oia e, te faaturi ra e hara ino roa te reira na te tane e na te vahine atoa hoi. E mea tia ia ora ratou i te oraraa mâ e ia vai ratou ma te hara ore. Ia ora ihoa ratou paatoa i raro a'e i te ture hoê ra.

Te vai atura te tahi mau ravea no te hi'oraa i na faito e piti. Eaha te huru o te oraraa i roto i te mau utuafare? Te ora nei anei te mau metua i te tahi faito ma te tamata i te titau ia ora ta ratou mau tamarii i te tahi faito ra? Ua mo'e anei i te mau metua te mau ture no te parau-tia ma te faahapa'tu i ta ratou mau tamarii no te mea te pee nei ratou ia ratou ra? Eaha te rahiraa o te mau metua te faautu'a i ta ratou mau tamarii no te mea ua haavare ratou a haavare noa'i ratou atoa ra? Eaha te huru o te pinepine o to ratou faahuru-ê raa i te faaiteraa i ta ratou tereraa ohipa? Eaha te huru o te pinepine o to ratou haavareraa no nia i te matahiti o ta ratou mau tamarii a hoo ai ratou i te titeti teataraa, e a ore râ, te titeti pereoo auahi, e a ore râ, eaha te huru o te pinepine o to ratou faahuru-ê-raa i te parau mau i roto i te mau fare toa?

Te huru o teie na faito e piti ra, e tae ia te reira i nia i te feia rave hara e te feia tei mau i te ture. E mea tia roa i te mau feia tei mau i te ture ia haapao i te mau ture mai te toea o te huiraa-tira. Oia mau, e hara rahi a'e ta te taata tei mau i te ture ia ofati noa'tu oia i taua ture ra no te mea e hopoia rahi a'e tei tuuhia i nia i to'na tapono.

E mea tia roa ia haapao te orometua, e te mau melo no ta'na amuiraa, i te ture hoê. O te reira te hoê mea te tia ia vai noa i roto i te feruriraa o te mau taata tei mau i te hoê toro'a i roto i te Ekalesia. Eita roa e tia i te hoê taata ia a'o mai i te taata ia haapao i te hoê mea a ofati noa'i oia i te mea ta'na i opani ra. E mea tia roa ia haamana'o tatou i to te Faa-ora patoi etaetaraa i te mau taata haavare i te tau a ora'i oia i te ao nei.

Aita'tu e mea rahi a'e i te tamauraa i te ohipa hoê i roto i to tatou oraraa nei. Ua patuhia to tatou huru mau i nia i te tamau-maite-raa e ua riro te reira ei tufaa e ei otaa i te faito hoê i roto i te oraraa. Ua parau mai te Fatu e, *Teie te e'a, a haere na nia i te reira*, e ua riro te reira e'a ei faito hoê roa ra. E mea tia roa, ia tatou ta taihoê, ia faaitoito ia ora i te faito hoê e ia tamau maite tatou i te reira.

Faaauhia e Marcel Bonnet.

O OE IHO MAU Â.

I teie nau mahana i mairi a'e nei ua anihia te hoê taata Paratane ia parau atu, i mua i te aro o te hoê amuiraa taata Marite, no nia i te parau ra e, O Oe Iho Mau â. I roto i ta'na aparauraa ua faaite oia i te tumu no to te Marite haereraa i mua e te rahi o to'na basileia,

A tai'o ai te hoê o te Feia Mo'a haehaa roa i te reira mau parau ua haamana'o oia no nia i te mau melo o te Ekalesia e maere ihora oia i te huru no to ratou iteraa e, o vai mau o ratou iho e eaha te huru o te rahi o to ratou mau haamaitairaahia.

A parahi i raro, mai te mea e hinaaro outou, e a feruri maitai i nia i teie tumu parau: O Vai au iho? A feruri no nia ia outou iho. A haamana'o no nia i te mau mea tei faaati ia outou, te mau maitai ta outou i farerei, e eaha ta outou i rave no ratou ra. Ua mauruuru anei outou i te reira?

Te ora nei outou i teie mau tau hopea nei mai te mau maitai atoa tei noaa mai no te mau tau i mairi a'enei ra e te vai ra ia outou te mau maitai atoa tei noaa mai na roto i te paari o teie mau tau. E tia i te taata iti haihai, i rotopu ia tatou, ia farii i te mau maitai te ore roa e noa i te hoê arii i te mau tau i mairi a'enei. E tau faahiahia mau ta tatou e ora nei. No outou te reira.

Te vai nei te ravea, ia outou, ia tae atu te ravea otahi roa ra e noaa'i te ora—te Evanelia a Iesu Mesia. Ua faaho'i mai te Fatu i te reira i te hoê taime au maitai ia outou no te oaoaraa i te reira. Ua horoa mai Oia i te mau ravea maitatai atoa o ta'na Ekalesia rahi ra tei faatiahia ia tia ia oe, e te tahi atu â mau taata, ia faaitoito i te imiraa i to outou ora i nia i te ao nei, te faatupuraa i to outou oaoaraa i ônei e a muri atu, e i te faaamu i ta outou mau tamarii i raro a'e i te marû a taua Ekalesia ra. Ua horoa mai Oia i te mau peropheta ora no te aratai e te haapii atu ia outou. Ua faataa oia i ta'na mau oro'a mo'a ia tia ia tamâhia outou i te hara o teie nei ano-tau e na roto hoi i te reira e fafau atu ai i te hoê fafau ia'na. E i pahonora

i ta ou
faataa
mai oi
mau u
rii. E
toa'tu
e horo
mau t
reira.

Te
na ma
Metua
ei tuas
mâra i
mâraa
roa ra
E na

Eah
outou
na'o a
atoa—
tei far
E a ha
ru ma
paha t
e riro

T
E Far

Ua f
turi i r
puhia t
mea, i
eita ra
ra ua c
to ia r

i ta outou haapaoraa e tia ia outou ia farii i ta'na mau haamaitairaa. Ua faataa oia i te hoê ravea no te haamaitairaa i te mau Feia Mo'a e ua horoa mai oia i te reira ia outou. E tia ia farii outou i te reira i roto i to outou mau utuafare e i raro a'e i to'na ûrûraa a faaamu ai i ta outou mau tamarii. E tia atoa ia outou ia haapure i ta outou mau tamarii, ma te amui atoa'tu i ta ratou mau pure ma te peapea ore. No te huru mau o te Ekalesia e horoa mai oia i te mau ravea no te faahaereraa ia outou, e ta outou atoa mau tamarii, i mua. E Ekalesia rahi mau â te reira. E na outou ihoa te reira.

Te vai nei to outou Atua i roto i te hoê huru tei ore roa i itehia i roto i na matahiti e piti tauatini tei pau a'enei. Ua ite outou e, o Oia iho to outou Metua, ua ite atoa outou e, ua riro ta'na Tamaiti Fanau Tahî, o Iesu Mesia, e ituaana mau no outou. Ua horopa mai oia i to tatou nei tiamâraa—Te tiamâra i nia a'e i to tatou mau hapehape, te tiamâraa o te feruriraa, te tiamâraa te riro, i to'na mahana, ei ravea no te faariro ia tatou ei mea maitai roa ra, mai to tatou Metua i te ao e maitai roa ra. E Atua rahi mau oia. E na outou ihoa te reira.

Eaha'tu â te mau mea ta outou e titau nei no outou iho? Oia mau, no outou iho? Ia roohia outou i te tapitapi i roto i ta outou mau ohipa, a mana'o atu ai ua hape outou, a parahi i raro e a feruri maitai i te mau mea atoa—e a feruri maitai no nia ia outou iho. A tai'o i te mau haamaitairaa tei fariibia e outou. A haamana'o e, o vai mau outou—te huaai o te Atua. E a haamana'o maitai e, o to oe huru i teie nei—o oe iho mau â—o te huru mau ia o te Atua i te matamua, e te huru o te Atua i teie nei, te vai ra paha te tau, e te vahi, mai te mea e haapao maitai oe i te mau ravea atoa, e riro oe—o oe iho mau â---mai ia'na ra.

Maitihia

TE HAERE NEI TE EKALESIA I MUA

E Fare Pureraa Apî.

Ua faatiahia te hoê Fare Pureraa apî, i Roto Miti, no te mau taata taria turi i roto i te Ekalesia i reira. I teie nau matahiti i mairi a'e nei ua faatupuhia te hoê Amaa taa e no te mau taata tei roohia i te ati taria turi no te mea, ia haere ratou i te mau pureraa, i roto i te mau Amaa no te Ekalesia, eita ratou e ite i te mau haapiiraa e te mau ohipa i ravehia i reira. I teie nei ra ua oti to ratou iho fare pureraa e ua faataahia te tahi mau taata, no roto ia ratou iho, no te faatere i ta ratou mau pureraa e no te auvaha i te pa-

rau no te Evanelia na roto i te parau rima. Ua faatiahia'tura te parau a Isaia o tei na ô mai e: "Ia tae i te reira mahana, e faaroo ai te turi i te parau o te buka." (Isaia 29:18)

E Misioni Apî no te Ati Lamana.

Te faaite maira te ve'a ra te Improvement Era e, ua faatupuhia te hoê Misioni Apî, i rotopu i te mau ati Lamana i Amerika. Ua faataahia o Arthur W. Hall ei Peresiteni no taua Misioni ra. O te pitiraa ia teie o te Misioni no te Ekalesia i rotopu i te Ati Lamana.

E Rapaauraa i te Mau Tumu Raau.

I teie nau mahana i mairi a'e nei ua ma'ihia te tahi pae o te mau tumu raau i roto i te uru raau i Palmyra, New-York, i te vahi ta Iosepha Semita i haere a pure atu oia i te Metua no te aniraa'tu ia'na e, "Teihea te Ekalesia mau." E mea tahito roa te tahi pae o te reira mau tumu raau i reira, mai te huru ra e 250 matahiti to te tahi pae. No te mea aita te Ekalesia i hinaaro ia pohe taua mau raau ra ua tarahuhia te tahi mau taata aravihi tei parauhia e "Taote tumu raau" no te haere i reira e rapaau i te reira mau tumu raau ia ore ratou ia pohe.

E Parau Tuatapapa no te Misioni i te Patifita.

I te ava'e no Mati i mairi a'enei ua haamata te Ekalesia i te nenei, i roto i te ve'a ra te Improvement Era, te hoê mau parau tei iritihia mai no roto mai i te parau tuatapapa a Addison Pratt (Paraita), te hoê o na Orametua matamua too maha ra tei faataahia e Iosopha Semita iho, no te poro-haere i te Evanelia mau a te Mesia i teie paeau o te moana nei. Ua papai o Paraita i te mau ohipa ta'na i rave i te mau mahana atoa, mai te mahana oia i faataahia'i e te Peropheta no te haere mai i Tahiti nei, e tae noa'tu i to'na ho'iraa'tu i Utaha, i te upoo no te Ekalesia i reira.

Ua haapao-noa-hia taua mau buka parau tuatapaparaa ta'na, ta Paraita, i papai ra e te hoê o to'na mau mootua hoovai ra o Nellie Hunt Rencher; e te vai melo noa nei â te mau huaai atoa o Paraita i roto i te Ekalesia nei. I teie nei ra ua horoa mai taua vahine ra i te reira mau buka i te Ekalesia ia neneihia i roto i te ve'a ra te Improvement Era. Ua horoahia taua ohipa ra i te hoê o to tatou mau Orometua tahito ra, o Doyle (Totare) Green e te neneihia nei te reira mau parau, i teie mau ava'e atoa, i raro a'e i te omuaraa parau ra, Mission to Polynesia, oia hoi, te parau no Addison Pratt (Paraita) e te Misioni i te mau motu o te moana Patifita nei.

Marcel BONNET Gérant et Imprimeur, Papeete, Tahiti.
